

四庫全書

子部

欽定四庫全書

仁齋直指卷二十二

宋 楊士瀛 撰

明 朱崇正 附遺

癰疽

癰疽方論

癰疽五發發腦發鬢發眉發頤發背是也人之一身血氣周流而無間稍有壅聚莫不隨所至而發見焉又豈特五者而已哉俗以癌瘤瘰附於癰疽之列以是為五

豈知療與癰疽不過癰疽之一物古書所載僅有所謂
療疽則療亦同出而異名也若癰若疽前未之聞合是
以為五發其可乎癰者壅也疽者沮也血氣壅沮寒熱
不散陰滯於陽則發癰陽滯於陰則發疽而所發無定
處也蓋衣服厚煖則表易招寒滋味過多則裏易生熱
感受日久熱勝於寒寒化為熱六腑蘊熱騰出於膚肉
之間其發暴盛腫而光軟皮薄以澤侵展廣大者為癰
其患浮淺不傷筋骨此可治也五臟蘊熱攻焮乎肌骨

之內其發停蓄狀如痞癰皮厚以堅淡白焦枯者為疽
其患沈深傷筋蝕骨此不可治也凡發熱憎寒頭痛惡
心筋節拘牽氣急悶悶或病渴經年是皆欲發癰疽之
證發於喉舌頭面腦項肩背膏腹四肢大節女子妬乳
數者為險其他為緩腫高而軟者發於血脉腫下而堅
者發於筋骨肉皮色不變者發於骨髓近骨者多冷近
虛者多熱近骨久不愈則化血成虫近虛久不愈則傳
氣成漏成虫則多癢少痛或先癢後痛成漏則多痛少

癢或不痛不癢若形狀腫大按而後痛者其膿深小按即痛者其膿淺按之軟而即復者有膿按之強而不復者無膿瘡淺者欲在厚處瘡深者欲在薄處腫起堅硬膿稠者為實腫下軟慢膿稀者為虛有實熱者易療虛寒而邪熱多者難療癰疽已決去其膿而煩疼尚未全退其脈洪粗者又難為力要之癰疽脈來帶澁但得和緩為平若洪粗則銳毒不收鮮有濟也然則治療之法將何如曰血得溫則流行氣得溫則和暢服餌貼傳藥用

和平初覺則散腫內消已潰則排膿歛毒膿盡則去腐
內塞惡肉盡則生肌傳痂此定則也瘡家臟腑生熱熱
蒸其血血敗則腐肉肉腐則成膿當膿血焮聚之時所
賴朝夕洗瘡以外舒其毒氣纔覺有膿即煖醋蘸熨而
破之纔見敗肉即煮藥盪射而去之稍或稽延不反掌
而侵蝕筋骨是必腐敗盡除庶幾真氣得復好肉得生
耳而況癰疽險惡古人以虎口鳩毒喻之一芽初萌灸
熨宣散急作主張殆有甚於拯溺救焚之不可緩也柰

何人多玩忽荏苒成形潰裂四出往往不救伊誰咎歟
大抵癰疽自內發外最不可服冷藥亦不可傳冷藥但
以溫和調治使毒氣自內發出可也若服冷藥則必至
傷動臟腑若傳冷藥則逼令毒氣內行內氣有虧毒從
外入衝心煩燥嘔吃嗽喘以至泄瀉此為內壞殺人無
疑或不隨順療理妄以急澁澁劑行之歛口太速毒氣
舒泄未盡必於其傍復發大疽活血排膿歛毒去腐生
新收口人所共知也孰知諸痛癢瘡皆屬於心心主血

脉心通諸竅如茯苓茯神遠志益智石菖蒲等輩又當
佐助於其間抑使病人不得憂驚嗔怒勞精疲神有觸
於心尤關利害五臟六腑所包者一膜耳人有患疽醫
療兩月新肉已平夜寐中幹者攻擊疾呼驚觸入心新
肉開裂醫者謂其肉膜已破而後肉開神仙莫救果非
心乎於此又能精加飲食使胃氣有所充和劑救裏使
內氣得所養有諸中形諸外理勢必然切戒癰疽成形
以後不得通利大便上醫宣毒蓋用車螯爪萋甘草紫

草等類以乳香沒藥佐之若大黃則不敢輕用也如其有熱即以赤茯苓麥門冬桑白皮燈心草利其熱於小便之中或以盃勺黑豆入紫蘇生薑如豆湯法亦能疏導若夫瘡口瘀熱而焮疼却暫用升麻山豆根厚黃藥煎湯入麝為之熏洗或瘡口歛平尚留一竅經時汁水不乾者其中必有淫虫朽骨當以藥消蝕而盡除之婦人患此適值月候不行尤當急為調血所謂大寒大熱大渴大吐大痛狂言無事喜笑鼻青唇慘赤暈不收膿

青血黯膿血腥臭血流不止小便如淋結硬過月方發
硬如石榴不破多日不腫不疼昏睡不知痛癢患熱恣
意取涼沈重痿弱氣乏肩項運掉不便心病臉如脂垓
貼藥鮮血常流膿如赤白下痢眼小竄視而白睛青黑
膿血大泄而焮腫且堅聲嘶色脫而肢體腫浮氣短喘
粗赤恍惚嗜腫煩燥時嗽而腹痛渴甚飲食不下而服
藥即嘔與熱吃逆噉喘大便泄瀉皆惡證也抑猶有內
外之別焉疽初發來一粒如麻豆許身體即熱患處亦

熱腫大而高多生疼痛破後肉色紅紫此為外發縱使
極大用藥有條百無一失自發疽以來不問小大身體
無熱但覺倦怠瘡亦不熱數日之間漸漸開濶不腫不
高不焮不痛低陷而壞爛肉色紫黑此為內發廬扁無
如之何蓋其未發以前臟腑已先潰爛矣此又善惡之
衡鑑云雖然癰疽治法已條列於前矣究其病源有風
有氣有食有藥毒有勞損而所受不同焉風則多癢氣
則多痛食則發寒熱藥毒則堅硬勞損則瘦弱此外證

之為可驗也風氣食三種易療藥毒勞損二者難醫大概風毒當驅風氣毒當調氣食毒當消積勞損當補虛藥毒則黑豆汁利之甘草生薑解之丹砂則羊血菴豆可以為佐登山到須酌水問源故推明本始以為瘍醫一髮之助

癰疽證治

灸法癰疽初發小點一二日間急以大蒜頭橫切如錢貼其中心頓小艾柱灸之五壯而止若形狀稍大以黃

裨紙蘸酒全貼認先乾處為筋脚於先乾處灸之或兩處先乾皆灸但五七壯而止又法屈指從四圍尋按遇痛處是根就此重按深入自覺輕快即此灸之更於別處尋灸若或大腫即搗蒜為餅焙乾蘸法醋炙熱更換頻爇或以熨汁火於蒜餅上熨之更換熱餅頻熨如覺患處走散即以綿帛覆蓋勿令氣泄俟少間傳藥凡癰疽展大如龜之形且看頭向上下先灸其前兩脚次灸其尾或紅筋走緊而長從盡處灸之須留頭并後兩脚

勿灸若盡灸之不惟火氣壅聚彼毒無所走散又攻入裏也或辨認不明以

白芷

分三

漢椒

桑白皮

各一分

連根葱白

十片

右取新水煎湯入酸醋半盞淋洗少頃其筋自現可以辨認頭尾

速消方癰疽發背已發未結已結未潰急以黃明牛皮膠新水溶令稀稠得所攤在抄紙上貼之良久以軟布

二條於醎醋中煮熱互換漉出罈在膠紙上蒸熨常要
熱氣相接若患處癢乃藥氣透須忍癢頻蒸熨直至消
散或破而膿出將盡即以貫衆煎湯洗去膠紙用退腫
散蠲毒散沈水膏等類摻傳或使用拔毒散隨意急服
萬金一醉膏或內消散乳粉托裏散破後以洗瘡方盪
洗發散毒氣

拔毒散癰疽腫結通用能散能潰

南星

上等大白者一兩

草烏頭

白芷

各半兩

木蟹子仁

一箇
研

右細末分兩次法醋入蜜調傳紗貼之

蠲毒散治癰疽腫毒未結則散已結則潰去風排膿

大南星

一兩

貝母

三分

白芷

赤小豆

直僵蠶

焙各
半兩

雄黃

二錢
研

右細末初用醋調傳後用蜜水調傳

癰疽宣毒方諸癰疽已破未破通用

瓜蒌

一箇去
皮剉細

紫車蛾殼

一箇黃泥和鹽塗
傳煨通紅用三錢

皂角刺

甘草

微炙各二錢

乳香

輕粉

各半錢

右細末先用老酒二碗煎瓜萋濾清取一大碗五更
暖瓜萋酒調上項藥末空心服大便自下惡物如魚
涎狀

宣毒一醉膏

瓜萋

一箇去皮

老翁鬚

一倍半

右剉酒水等分同煎少頃入開口真川椒四十九粒

臨熟又入乳香沒藥末少許任意服

癰疽宣毒方

黑牽牛

去皮

右取仁入豬腎中線札濕紙包熟火灰內煨香熟候
冷溫酒嚼下

宣毒方

斑貓

一枚只
去翅

好大棗

一枚去核包裏斑貓入豬腎中線
扎青竹葉重包濕紙裏煨熟去貓

右空心喫猪腎溫酒下

又方宣散癰疽腫毒

老翁鬚草

亦名金銀花忍冬草鶯鶯藤水楊藤其藤左纏花五出而白微香蒂帶紅色野

蔓生延

右花與葉生搗煖酒調服無花只用葉酒和葉烘煖可傳瘡

穿山甲散癰疽托毒排膿治五毒附骨在臟腑裏托出毒氣止痛內消

蜂房

一兩

蛇退

穿山甲

油髮

並燒帶生存
性各一分

右為末每服二錢入乳香末半錢煖酒調下

皂棘散托毒排膿

川芎

半兩

甘草

生一分

乳香

一分

皂莢刺

燒帶生存
性四兩

右末每二錢溫酒調下

芎歸托裏散托裏排膿生肌

川芎

當歸

白芍藥

炒

木香

白芷

茯苓

各半兩

人參

辣桂

丁香

甘草

生各一分

右末每二錢食前米湯調下

癰疽毒入臟腑嘔吐惡食方

甘草

焙半兩

丁香

三錢半

右剉每服二錢水煎入麝少許溫服

癰疽腫毒傳藥仙靈散收腫歛毒排膿

滑蘭槁皮

末

紫貝草

搗

右二味同搗酒調為膏傳或蜜水調亦好滑蘭托毒

紫貝散血或單用紫貝草亦效

妙勝散收腫歛毒排膿

落地茄花

去心

黃蜀葵花

去心并萼日乾磁器收

右為末井水稀調雞羽掃放患處乾則再傳或收毒

平散或破潰出膿神效如瘡口開用末摻亦歛毒不

急瀉

消腫散癰疽通用

滑蘭皮

大南星

赤小豆

白芷

薑黃

各一分

白芨

半分

右細末酒調傳或蜜水醋同調傳

退毒散癰腫通用

木鱉子

去油

大南星

半夏

生

赤小豆

白芷

草烏

連皮尖等分

右細末硬則法醋調傳熱熨則蜜水調傳

川烏散癰腫初發急用

川烏

蜈蚣窠土

等分

右細末法醋調傳未結則散已結則潰

夜明砂膏潰腫排膿

夜明砂

一兩

辣桂

半兩

乳香

一分

右細末入乾砂糖半兩研和用井水調膏傳

乳豆膏治癰疽腫節疼痛入門先用此止痛

綠豆

去皮取肉一兩

乳香

竹葉裏鬚一分

右末酒調傳傘紙貼乾則再傳續後却換消腫排膿

藥

星烏散治癰疽已結未作穴潰

大南星

草烏頭

辣桂

等分

右末用酒或醋調傳軟白紙貼未穴再用

歛毒散傳四圍收毒

南星

赤小豆

白芨

等分

右末井水調傅四圍軟帛貼上

退腫散癰疽腫毒通用

大南星

圖白者

半夏

生各半兩

赤小豆

五倍子

白芷

貝母

各二錢半

右細末蜜醋調傅

收毒外消膏

黃明牛皮膠

以長流水半升溶開一兩

號丹

再煎柳枝急攪五六沸一兩

右候冷收入磁合以雞羽攤於瘡上留口如未破傅

腫自消

乳香膏治癰疽腫毒惡瘡排膿止痛收縮筋脚

乳香

竹葉包
熨研

沒藥

各一分

輕粉

一錢

麝

半錢

黃蠟

二錢

草麻子仁

一兩

右搗研極細成膏以撫紙折薄攤藥留眼貼之日二
換或純用草麻子仁入沒藥研細傳貼

保安妙貼散治癰疽發背腫毒

透明硫黃

為細末

蕎麥麪

各二兩

右用井花水調和作餅焙乾收下要得硫黃性和用
時再末之入乳香少許井水調厚傅瘡上如乾以雞
羽蘸新水潤之如此至瘡愈方歇痛則不痛不痛則
痛神驗

蜀葵膏治癰疽腫毒惡瘡

黃蜀葵花

右用鹽摻取入磁器密封經年不壞患處傅之自平
自潰蜀葵子炒碎入宣毒藥中尤驗

皂角膏癰疽腫結通用

不蛀皂角

滿尺者搥碎去弦核

右以法醋煮爛研膏傳之自消

四虎散治發疽腫硬厚如牛皮按之方痛

大南星

草烏頭

半夏

生

狼毒

等分

右細末醋蜜調傳留頭出毒氣

沈水膏癰疽發背排膿歛毒

大南星

三分

白芨

白芷

赤小豆

半夏

生

貝母

各半兩

木鱉子仁

去油

乳香

沒藥

各二錢半

雄黃

一錢

右細末井水入蜜調傅紗貼

爐峯散治癰疽腫毒等患

爐甘石

綠者十分
細一兩

大南星

半夏

生各半兩

五倍子

赤小豆

片薑黃

直僵蠶

貝母

白芨

錢各四

乳香

錢二半

右細末未破者酸醋調傅已潰者清蜜調傅半乾濕只摻若紅腫多汁生地黃研汁調傅仍煎苦參桑白皮湯淋

麝香散癰疽已結而頭不破用此

直雀尿

研一錢

斑猫

去頭足翅一錢半

腦

麝

隨意

右細末法醋調少許點在有頭處立破急用煎黃連湯洗去

湧泉膏治癰疽軟而瘡頭不破或已破而瘡頭腫結無膿

斑貓

去頭足翅培

右為末搽和蒜膏似小豆許點在膏藥中准瘡口處貼之少頃膿出即去藥或用綠礬直雀屎少許用餅藥調一點傳瘡頭軟處亦破須四圍塗藥護之

蛇蝎散治癰疽瘡口小而硬貼膏藥膿不出是為風毒

所勝用

赤足蜈蚣

一條去頭足

金蝎

三枚實全尾者並生用

木香

一錢

右細末每用一字摻於膏藥錢上准瘡口貼如瘡口開潤不硬勿用若是風邪所搏即煎連根葱白五莖次入白芷末半兩少頃濾清淋洗明日又洗仍服不換金正氣散

護肌膏收暈歛毒

大南星

二兩

明白礬

並生用七錢半

白歛

白芨

雄黃

右細末每半兩生地黃取汁調傳瘡暈外舊肉上自
外圓而促歛之又驗瘡用新水調筆蘸傳瘡藥力勝
則腫消皮皺易療若腫處皮急暈開難療

神功妙貼散塗傳癰疽暈內使膿血化為水出收暈歛毒

大南星

圖白者

草麻子仁

各四錢

半夏

生

白芷

消片

薑黃

五倍子

淡紅者

貝母

白芨

各三錢

沒藥

乳香

各三錢

花藥石散

貼二

右細末夾和井水入蜜調傳瘡色黯晦薑汁調傳從
暈邊抹收入裏留中間如錢大貼膏藥若瘡開大全
用紗攤藥以舊茶籠內白竹葉尾煎兩片如瘡勢先
貼藥上然後貼瘡久年蓬仰上竹葉亦得竹葉出水
藉藥以行之凡傳藥須是細末則不痛

內消散癰疽惡瘡方萌纔覺便服

穿山甲

揀入殼芒熱
灰中候焦黃

右為末入麝隨意每服二錢半溫酒調下或瓜蒌煎酒調下尤妙日兩服

大全內消散內消癰疽惡毒纔覺便服

穿山甲

截片以鼓芒
槌炒晚一兩

當歸

半兩

甘草

二錢
半生

右末每服三錢溫酒調下

小車蝦散內消癰疽取下惡毒首初便服

紫貝大車蝦

生取殼一合鹽泥塞滿相合麻線纏
鹽泥塗外日乾炭火煨通紅去泥冷

地出火毒
一伏時

右細末每服三錢入生甘草末一錢輕粉一字用瓜蒌
一枚燈心三十莖分兩次煎酒乘熱調下五更溫服天
明又服日中大便下黑苔惡物或不用甘草入蜜二匙
皂刺散治癰疽等患宣毒排膿首初便服

皂角刺

紫黑色者

連皮瓜蒌

等分

北五靈脂

減半

右剉細每服四錢酒二大盞煎六分入乳香少許溫
服皂刺亦能宣毒

萬金一醉膏治癰疽發背宣導惡毒始初便服神妙

瓜萋

一箇去皮碎研

甘草

生粗末半兩

沒藥

水中研二錢半

右用紅酒三大碗煎取其半分兩服溫服之在上食後服在下食前服重者再劑以瘥為度又方加當歸白芷并此乳香更要宣毒加紫皂角刺一分

粉乳托裏散癰疽初發便服或毒氣入裏衝心煩悶吃嘔嗽喘以至泄瀉急用此頻服托裏返出毒氣自內發起於外此藥又能消已發未發皆可服神妙

真菉豆粉心

兩

明乳香

半兩以竹葉包熨
斗火熨乃研細

右末每服二錢熟新水調下或生甘草煎湯調食後
少時細呷常要藥味在胃膈間則毒氣不能攻心或
瘡已沈晦用當歸一錢辣桂二錢煎湯調下仍以加
味不換金正氣散為佐小兒豆瘡陷入粉乳散能救
之瘰癧攻心嘔悶通治

蠟礬圓治癰疽發背瘰癧漏瘡惡瘡衛護內膜驅解諸
毒自然內消神妙

通明白礬

生用
二兩

右細末黃蠟一兩二錢溶汁就爐上入礬拌和衆手
圓桐子大每服十五圓熟水下或冷酒下常常服之
漏瘡用油髮又和雞內金末外塞

明膠酒治癰疽等患使毒氣不攻於內不轉惡證

通明牛皮膠

每用一
兩裁片

右醇酒一大碗入膠重湯烮令溶散通口服

排膿內消散治癰疽發背活血排膿消毒紅內消即紅

何首烏

一兩

當歸

川芎

生地黃

川續斷

各洗焙

茯苓

芍藥

白芷

半夏麴

霍香葉

各半兩

紫草茸

甘草

炙各三錢半

右粗末每服三錢新水二分酒一分薑棗煎服有熱者加燈心只用水煎

究原排膿內補散活血排膿扶養內氣或大潰開爛用

此救裏內塞

方見腸癖門

以加味不換金正氣散佐之有熱

證者勿用以排膿內消散加燈心服

五香散治癰疽須用香氣透達經絡

木香

丁香

霍香葉

各一分

沈香

乳香

連翹

木通

續斷

桑寄生

甘草

微炙各半分

右細剉每服三錢井水一椀煎七分入麝少許患在上食後服患在下食前服五發證皆令人頭痛惡心

寒熱氣急拘攣此藥療之如有熱加燈心桑白皮

加味不換金正氣散治癰疽寒熱往來或內挾風邪或
內氣虛餒通用最能發出風毒可與排膿內補散並行

蒼朮

麴炒

橘紅

半夏麴

霍香葉

厚朴

製各一兩

甘草

炙七錢半

白茯苓

川芎

各半兩

木香

二錢半

右為末每服三錢薑五片棗二枚煎服若瘡陷不發
多加辣桂當歸

二香散風氣食三證通用調暢胃氣須兼服之

木香

霍香葉

白豆蔻仁

半夏麴

厚朴製

橘皮

茯苓

蒼朮炒

甘草炙各半兩

益智仁

縮砂仁各一兩

丁香二錢半

右粗末每二錢半薑棗煎服

黃耆托裏散托裏內虛止痛

黃耆

白茯苓各一兩

甘草生二錢半

乳香

別研一錢半

右末每服二錢酒小盞慢火煎如膏再添酒調服內

虛加當歸

當歸酒治癰疽陰證頭平向內沈黯不疼渾身患處不熱

辣桂

去粗皮半兩

當歸

四錢

木香

白芷

各二錢

右細剉每服三錢半醇酒一碗慢火煎七分入乳香

末半錢不飢飽溫服以排膿內補散加味不換金正
氣散為佐以熟鋪猪蹄膂肉為養喬麥麴能起發可
煮食之如更不發起用局方薑附湯加當歸木香灸
甘草煎服又更不發起用

穿山甲

頭截片煎
醋炒焦

生人牙

煨留性
各一分

右為末分作兩服用辣桂當歸去節麻黃煎酒食前
調下患處用生薑汁和麴厚塗或用川烏硫黃人牙
煨並細末酒調傳之

神授香附湯治癰腫結硬聚毒作痛

香附

杵去皮用生薑汁浸一宿晒乾

右末每一錢半米飲調下或紫蘇甘草煎湯調下進數服腫硬自消有膿即出於氣證尤便急用只小烏沈湯

消毒散內消癰疽惡毒

當歸

白芷

甘草

生

赤小豆

紫草茸

各半兩

貝母

一兩

右末每二錢半水酒煎日二服

瞿麥散排膿止痛通利小便從小便出毒氣

瞿麥穗

赤小豆

當歸

川芎

白芷

黃耆

赤茯苓

各半兩

辣桂

甘草

各二錢半

右末每二錢半酒調下

萬病解毒圓治癰疽發背魚臍毒瘡藥毒草毒挑生毒蛇獸毒蟲毒瘰癧諸惡病

文蛤

即五倍子
一兩半

山茨菰

即金燈花根
一兩洗焙

紅牙大戟

洗焙七錢半

全蝎

五枚

大山豆根

續隨子

取仁去油留
性各半兩

麝香

一錢

朱砂

雄黃

各二錢

右件先以前五味入木臼搗羅為細末次研後四味
夾和糯米糊圓分作三十五圓端午七夕重陽臘日
淨室修合每服一圓生薑蜜水磨下井水浸研傳患
處解毒收瘡救病神妙朱砂雄黃功能醫五毒攻瘍中

物也

紅內消散癰疽內蘊熱外發熱用此

紅何首烏

半兩

遠志

水浸取肉
煎蘆汁焙

赤茯苓

川芎

北梗

苦參

赤小豆

赤芍藥

蔓荊子

威靈仙

各三錢

生甘草

半兩

右末每服二錢麥門冬十四粒煎湯調下

清心散治癰疽有熱證

遠志

製

赤茯苓

赤芍藥

生地黃

麥門冬

去心

知母

甘草

生各等分

右剉每三錢薑棗煎服小便秘加燈心木通

癰疽大便秘導毒方

紫草

瓜蒌

連皮

右剉新水煎服或用黑豆一盞入生薑紫蘇煎湯亦得

癰疽煩渴方

參苓白朮散

右以瓜蒌根菉豆烏梅煎湯調下

加味八味丸降心火生腎水治諸渴疾癰疽未發前已瘥後渴證通用

好熟地黄

洗焙二兩

山藥

剉微炒

山茱萸

蒸取肉焙各一兩

辣桂

去粗皮半兩

澤瀉

截作塊酒蘸磁器盛甑內蒸五次剉焙

牡丹皮

焙

白茯苓

各八錢

真北五味子

慢火焙透別研一兩半

右為末煉蜜候冷和圓桐子大每服三十圓空心鹽

湯下

癰疽腹痛方

辣桂

一分

木香

芍藥

北五靈脂

各半分

右剉散每服三錢薑棗煎服

癰疽泄瀉方

粉乳托裏散

右用木香白茯苓煎湯調下加味不換金正氣散佐之嘔惡通用

癰疽虛證寒戰方

明乳香

研細
半兩

右每服一錢熟水調下戰發於肝乳香着肝而溫之寒戰隨止

山藥丸

見濁
濁門

治癰疽因腎虛勞損所發每服七十圓五

更初腎氣開時端坐勿言勿動勿咳勿唾侍側有人進藥鹽湯下日間以排膿內補散加川芎當歸白茯苓佐之最療勞損證

內托黃耆丸癰疽因針砭錐割傷其經絡白膿赤汁逗留不止用此

黃耆

二兩

當歸

生七錢半

肉桂

木香

沉香

乳香

別研各二錢半

右末萊豆粉一兩生薑汁煮糊圓桐子大每服七十

圓溫熟水下

特異萬靈散治癰疽發背腫毒等患神妙

軟石膏

燒通紅掩覆在泥地上一宿

大白南星

赤小豆

草烏

連皮尖各半兩

乳香

別研二錢

右細末蜜水調膏從外抹收入留最高處如錢勿傳如已破切忌藥入瘡口恐痛歛毒排膿不致潰爛屢效

洗瘡方

莽草

苦參

貝母

射干

木通

蜂房

大腹皮

桑白皮

漢椒

連根葱白

多用

白芷

右煎湯密室中淋洗

又方

白芷

一兩

新桑白皮

三分

貝母

半兩

漢椒

三錢

紫蘇

三錢

右剉碎分兩次入連根葱煎以葱蘸湯洗潰爛者猪蹄煎湯洗或水膠煎湯洗亦好

北艾湯癰疽瘡口冷滯膿血少肉色白久不合逐日用

北艾

把一

右煎湯密室中洗仍以白膠燒煙熏之續貼膏藥仍多服排膿內補散加味不換金正氣散

又方瘡口已成大窟以

桑白皮

一分

當歸

半分

右為末乾摻外用北艾蘸蜜水研細塞口

桑皮散治瘡口有熱攻焮作痛亦爛淫汁

桑白皮

新者一兩

苦參

槐花

天花粉

晒各半兩

右杵細末乾摻仍煎苦參桑白皮湯盪洗癢者加櫚

榔輕粉

又癰疽方

白芷

桑白皮

右煎湯洗以桑白皮末搽效

又瘡口大窟專以

大桑葉

乾日

右末之頻搽効經霜黃桑葉尤好搽傳煎湯皆可用

又方

生絲瓜或生地黃或芭蕉根取汁筆蘸抹

消蝕散消蝕惡肉淫虫朽骨先用洗瘡方然後傳此

明白礬

入銀窩內瓦蓋
煨令性盡一兩

綠礬

煨熟

雄黃

乳香

好胭脂

遠志

水浸取肉
焙各二錢

右細末蜜水研膏傳惡肉上麻油調亦得

又消蝕方臘月收獐猪糞燒存性

獐猪糞

臘月取
一兩

雄黃

研

雞心檳榔

各二錢

右細末濕者摻乾者麻油輕粉調抹蝕惡肉蘭茹好茶蠟圓諸瘡潰後孔中以鎔蠟和好茶捏尖圓塞其中
以牛角內粉屑夾天花粉真蚌粉乾摻消毒生肌

歛瘡散

軟滑石

花藥石

雞內金

各半兩

白芨

半三錢

白歛

半二錢

號丹

煨

滴乳香

各一錢

右滑石花藥石炭燒通紅椀覆泥地一伏時為細末

次入餘藥末研和乾摻神妙

保安歛瘡方

白歛

白芨

各一兩

雞內金

二兩

厚黃蘗

半兩

右細末井水調傅須膿盡乃用潰者亦能斂

硬瘡生肌方

降真香

一兩紫赤大片
者油處更好

桑白皮

新者

半夏

生各半兩

乳香

當歸

五倍子

各二錢

右細末乾摻

又方

大南星

半夏生

五倍子

雞內金

各半兩

南木香

當歸

厚黃蘗

降真香節

白歛

白芨

各二錢半

右細末先盪洗後摻藥傷撲通用

生肌散

老狗頭生腦骨

截碎新瓦煨透二兩

桑白皮

新者一兩

當歸

二錢半

右細末麻油調傳瘡深則摻傘紙護之

太乙膏治癰疽發背惡毒

好號丹

二兩半

男生髮

洗焙二錢

木鱉仁

碎三枝

肥白巴豆肉

十八粒

右用麻油四兩慢火先煎巴豆木鱉髮團更換柳枝攪准髮耗五分頻冷爐絹濾再煖入淨號丹換柳枝頻攪候色變滴入水成珠隨意入乳香末再煎沸傾入磁器候凝覆泥三日貼用凡修合膏藥密室中勿

令猫犬婦人見之

神應膏治癰疽發背惡毒

龍泉好光粉

二兩

真麻油

三兩

右慢火同熬更換柳枝頻攪滴入水成珠方入白膠末少許徐徐傾入磁器以水浸兩日抄紙攤貼

神異膏治癰疽發背惡毒瘡癰

黑參

白芷實

露蜂房

杏仁

不去皮

木鱉仁

男生髮

洗焙各二錢

蛇退

鹽水洗
焙一錢

肥白已豆

一十
五粒

右剉細麻油五兩同藥入磁鉢浸一宿慢火煎更換
柳枝攪候藥色焦黑頓冷爐生絹濾再入鉢煖入淨
號丹二兩柳枝急攪候黑滴入水成珠入乳香末二
錢拌和傾入磁器候凝覆泥地三日貼用
遇仙膏治癰疽發背毒瘡等

川五靈脂

白芷

貝母

各半
兩

當歸

二錢
半

右剉細柳枝截二十四寸麻油六兩同上藥入磁鉢
一宿慢火煎柳枝攪藥色稍焦入肥白已豆二十一
粒木鱉仁碎五箇攪煎令黑頓冷爐生絹濾再煖入
蠟半兩溶盡再頓冷爐入淨號丹二兩半更換柳枝
急攪候色黑滴入水如珠入乳香沒藥末各二錢拌
和傾入磁器候凝覆泥地三日貼服皆好柳枝止痛
神仙截法治癰疽發背毒瘡發作便服使毒氣不內攻
可保

真麻油

銀器內煎十餘沸
傾出候冷一斤

右和醇酒二椀分五次盪溫日夜服盡解陰證沈毒

將理法

避風邪 少睡卧 勿驚憂 勿嗔怒 徐行動

省言語 戒閨房 絕思慮 防觸穢 聽好事

瘡頻洗 藥常助 盥漱聞香 二便順序

擇飲食內充無飢飽失度 傳藥運掉屈伸瘡口常

加愛護 妄用惡草愈滋其毒不忌飲食反害其瘡

皆非正法

癰疽發背龜形灸法凡發背如龜形辨認龜頭不論左右上下但以腫高處為頭或有疑似即以黃稭紙蘸醋掩之先乾處為頭把筆點定男女皆取左手中指用草比量全指為度一樣剪草十二片六片安頓在外合作龜背形六片安頓於龜背之內中心直頓二片四方分頓四片內外各相連合如是則頭尾四足定矣以筆點其尾足抹蒜膏灸之先灸其尾七壯火未滅便灸後一

脚七壯火未滅又灸後一脚七壯逆邇如是灸至前兩
脚而止須留龜頭莫灸以出毒氣法艾捍實如筋中間
大剪作艾柱此法合陰陽氣候可用灸之省力療理
論熱背發大瘡惟發熱則謂之背若不發熱皆癰也其
有陰證於五臟內發者却又沈晦無熱大凡癰疽惟藉
有熱則發熱則氣血行冷則氣血滯熱則能生肌冷則
瘡不合遇有熱者切不可退熱但用溫藥以微涼少濟
之是為和劑

論暈癰疽發背俗以腫痕所至為暈非真暈也暈生於
瘡口之傍如紅筋之狀纔見暈則非美證矣一暈二暈
以至三暈尚可措手若四暈五暈是臟腑蘊受銳毒斷
斷難醫

保安灸甘草方癰疽漏瘡通用神妙

粉草

以山泉溪澗長流水一小碗徐徐
煎浸火炙水盡為度秤一兩

右剉粗末用醇酒三碗煎二碗空心隨意溫服最活

血消毒

癰疽方

赤小豆

綠豆

黑豆

川薑黃

右為細末未發起薑汁和井水調傳已發起蜜水調
傳

諸癰疽大便秘方

甘草

生一兩

右剉碎井水濃煎入酒溫服能疎導惡物

蝕漏方

生油髮

燒留性
四錢

白及一錢細末摻傳

去水膏治癰疽破穴後誤飲皂角水及諸毒水以致疼痛

甘草

生為末
一分

砂糖

糯米粉

各三
分

右為膏攤在絹上貼毒水自出驢馬汗及尿糞一切青水皆治之

木香摻收瘡口方

木香

雞心檳榔

號丹

一錢各

輕粉

半錢

右細末摻

秦芫摻方治一切瘡口不合

秦芫細末摻之

鹽洗方

蜂房

白芷

苦參

川椒

右煎洗熱熨加荊芥

癰疽瘡口深大方

深山黃牛糞

塞滿瘡口紙貼
上一四日後

蜂房

白芷

大腹皮

三件煎湯
淋洗拭乾

右以黃桑葉晒為細末撒搽常服酒調排膿內補散
飲醇酒食肥肉自然生肌深山黃牛喫百草平田牛
只喫禾藁

諸惡核方或在上或在下頑結留滯不潰不散用瘰癧

門立應散宣毒從小便出非用一醉膏之類宣毒從大便出也先以大戟草烏為末酒調傳仍服蠟礬丸或穿山甲炙焦為末溫酒調下佐之在上者加皂莢刺帶生灰煎葱湯熏洗

癰疽惡核男以左邊為重女以右邊為重

發頤方此瘡最險毒氣灌注頭面腫大可畏牙齒亦脫治法○解開頭髮尋項螺中灸二十一壯如不透達灸至四十九壯而止其瘡開口大孔用東向石榴皮晒為

細末撒摻其中特異萬靈散本方加煨過石膏半倍蜜水少許調傳四圍不換金正氣散排膿內補散二藥各加川續斷皂莢刺燒去半帶生灰相間煎服皂莢刺性上行主上焦病凡癰疽藥太溫加乾薄荷煎服石膏性寒始亦疑之然火煨通紅盆覆地上以出火毒最能收暈使瘡口把就不至爛肌

附諸方

真人活命飲治癰疽發背發腦發髭發脇癰毒騎毒腫

肚癰腿癰附骨癰疽惡瘡惡漏瘡血塊氣塊面目手足浮腫隨病加減並宜治之

天花粉

錢一

甘草節

乳香

透明各一錢

川山甲

三大片蛤粉炒去粉

赤芍藥

白芷

貝母

各一錢

防風

去蘆七分

沒藥

皂角刺

各五分

當歸尾

酒洗

陳皮

各一錢半

金銀花

三錢

或加大黃

一錢

木鱉子

去殼八分

體虛加黃耆

一錢

在背俞皂角刺為君 在腹白芷為君 在胸次加

瓜蒌二錢 在四肢金銀花為君 如疔瘡加紫河

車草根三錢

無加亦可

右作一貼用金華好酒一鍾半煎至一鍾溫服煎時
次用大瓦瓶以紙密封口勿令泄氣能飲酒服藥後
再飲數鍾浩大不可憶度

偈云

真人活法世間稀 大惡癰疽總可醫

消毒只如湯潑雪

化膿漸使肉生肌

陰功豈止萬人活

神効何須刻日期

留下仙方誠信授

存仁修製上天知

此方治一切癰疽疔腫不問陰陽虛實善惡腫潰大痛或不痛先用此劑大勢以退然後隨餘證調治其功甚捷誠仙方也

防風通聖散治癰疽通用

方見中風門

狗寶丸

濟生方

專治癰疽發背附骨疽諸般惡腫將發時

先覺口中煩渴四肢沉重遍身壯熱乃其候也此藥
功效不可具述

蟾酥

二錢

金條蜈蚣

七條全者
酥炙黃色

輕粉

雄黃

滴乳香

沒藥

烏金石

即石炭
各一錢

狗寶

病狗腹中得之
一錢又去一兩

狗膽

一箇乾者用之去
皮黑狗臘月者佳

鯉魚膽

一箇乾者用
之臘月者佳

粉霜

黃臘

錢各三

礶砂

半兩

麝香

一分

孩兒乳

一合頭
前者

鉛白霜

一錢一
本無此

右先將乳汁黃臘放在礶內文武火化開次將各藥末和成劑用時大人丸菴豆大小兒丸如芥子大每服三丸病重者加至五丸用白丁香七箇研爛新汲水調送下腰以下食前服腰已上食後服如人行五里熱蔥白粥投之即以衣被蓋定汗出為度已後只喫白粥常服十宣散留頭其四邊以烏龍膏貼

漏蘆湯

精義

治一切惡瘡毒腫丹瘤瘰癧疔腫魚睛五發

瘰癧初覺一二日便如傷寒頭痛煩渴拘急惡寒肢體疼痛四肢沈重恍惚悶亂坐卧不寧皮膚壯熱大便秘濇小便赤黃並宜服之惟妊娠忌服

漏蘆

白鯁

黃芩

去黑心

麻黃

去節

枳實

麩炒去穰

升麻

芍藥

甘草

炙各一錢

大黃

二錢

朴硝

一錢

右水煎服

千金漏蘆湯

精要

治證同前

漏蘆

連翹

黃芩

白鯁

枳殼

去穰
麩炒

升麻

粉草

炙

麻黃

去根節
各一錢

大黃

一錢半
濕紙煨

朴硝

別研
一字

右作一服用水一盞半煎至八分去滓空心熟服

淵然真人奪命丹專治疔瘡發背腦疽乳癰附骨疽一

切無頭腫毒惡瘡服之便有頭不痛者服之便痛已
成者服之立愈此乃惡證藥中至寶病危者服之亦
可矣萬無一失不可輕易

蟾酥

二錢乾者
老酒化

血竭

一錢

乳香

沒藥

銅綠

硃砂

為衣各
二錢

輕粉

半錢

膽礬

寒水石

各一錢

雄黃

三錢

射香

半錢

腦子

半錢無
亦可

蝸牛

一十一箇
連殼用

蜈蚣

一條酒浸炙
黃去頭足

右為細末將蝸牛研作泥和前藥為丸如菽豆大若丸不就以好酒煮麴糊為丸每服三丸先用葱白三寸令病人嚼爛吐於手心男左女右將丸子裹在葱白內用無灰熱酒三四盞送下於避風處以衣被蓋覆約人行五里之久再用熱酒數杯以助藥力發熱大汗出為度如汗不出重者再服二丸汗出即効初覺者二丸即消三五日病重者再進二丸如疔瘡走黃過心者難治汗出冷者亦死如病人不能嚼葱搗

爛裏藥仍以熱酒吞下瘡在上食後服瘡在下食前服服後忌冷水黃瓜茄子油麵豬羊雜肉魚一切發風瘡毒等物及婦人洗換狐臭犯之難治

竹葉黃耆湯

精義方

治諸癰疽發背煩渴及一切惡瘡發

大渴者

淡竹葉

二分半

生地黃

一兩

黃耆

黃芩

去

當歸

川芎

甘草

芍藥

人參

麥門冬

去心

半夏

湯洗

石膏

各四分

右用水一盞半竹葉五片生薑五片煎至一盞溫服
內補散專治癰疽發背潰膿出多內虛少力不進飲食
有虛證惡重者亦治之

人參

白茯苓

川歸

黃耆

桂心

甘草

遠志

各半兩

芎藭

麥門冬

白芍藥

陳皮

熟地黃

五味子

各一兩

右呿咀水一鍾薑三片棗一枚煎至半鍾溫服

敗毒流氣散

人參

桔梗

枳殼

甘草

防風

柴胡

前胡

川芎

羌活

白芷

芍藥

紫蘇

各等分

右呿咀水一鍾半薑棗煎服

護心托裏飲

人參

黃耆

當歸

川芎

甘草

白芍藥

乳香

木香

烏藥

官桂

防風

枳殼

桔梗

厚朴

各等分

右咬咀水薑煎服

鉄圈散治癰疽腫毒

乳香

沒藥

半兩

大黃

黃栢

黃連

南星

半夏

防風

皂角刺

木鱉子

瓜蒌

甘草節

草烏

阿膠

右為末醋調成膏砂石器內火熬黑色鵝翎傳之

圍藥治諸般癰疽傳上消散

乳香

沒藥

大黃

連翹

黃芩

黃連

黃栢

南星

半夏

防風

羌活

瓜蒌

阿膠

皂角刺

各等分

右研細末好醋煎黑色成膏寒者熱用熱者寒用

圍藥鉄井欄

貝母

南星

各七錢

連翹

五倍子

經霜芙蓉葉

各一兩

右為細末用水調傳四向腫處止留中間一竅出毒氣

秘傳鉄箍散

霜後芙蓉葉

二兩

海金砂

五錢

草烏

金線重樓

天南星

生者佳
各五錢

右為末用好米醋調藥成膏圍傳患處若是發背加木鱉子五錢為末和前藥立効

千金托裏散治背疽併諸惡瘡如三日以內未針灸及

利大便秘者可消矣

羌活

藁本

生黃芩

人參

炙甘草

木猪苓

各一錢半

防風身

洗

防風稍

各五分

川歸身

酒洗

連翹

酒黃芩

各三錢

川歸稍

生甘草

陳皮

蘇木

五味子

酒黃栢

酒防已

各五分

桔梗

山梔

酒生芩

酒黃連

各一錢

酒大黃

三錢

麥門冬

二錢

右細切分作二服每服用水三大盞浸半日煎一盞稍熱服後一服如前併滓煎服忌冷水此方如覺有病即便忙服無不効者若瘡勢已發三四日或成膿者則不消矣

十全內托散治瘡腫托裏未成者速散已成者速潰

人參

當歸

黃耆

各一錢

厚朴

川芎

桔梗

防風

桂心

白芷

甘草

各一錢

右細切作一服用水二盞煎至一盞去滓食遠服

秘授仙方萬應膏藥治一切腫毒未潰貼之則消已潰貼則去腐生肌並治楊梅癰漏惡瘡風氣骨節疼痛痞氣積塊坐閃腰痛一切諸證貼之神効

羌活

一兩

巴豆

二兩

木鱉子

二兩

川烏

皂角刺

川山甲

白芷

蟬退

杜當

赤芍藥

金線重樓

五倍子

獨腳連

雷藤

連翹

血餘

白芨

降香

白歛

紫荊皮

藁本

黃連

石羊角

廣藤

川芎

殭蠶

各一兩

草麻子

二兩五錢

防風

二兩

蜈蚣

七條

草烏

二兩

當歸

一兩五錢

蛇退

葉下紅

三白草

八角風

苦參

孩思母

何首烏

大風藤

小風藤

海風藤

尋風藤

七葉黃荊

松節

金銀花

車前草

槐角

丹參

斑蝥

青木香

玄參

牛膝

地榆

威靈仙

生地黃

薄荷

蒼朮

五靈脂

天花粉

南星

生者一箇佳

細辛

蝦蟇

一隻

桔梗

山梔

荊芥

黑丑

花蛇

大風子

烏藥

小茴

節骨草

兩頭尖

黃蘗

烏梢蛇

槐嫩枝

桃嫩枝

柳嫩枝

榆嫩枝

椿嫩枝

各五兩

右件七十九味咬咀片末用真香油十斤和藥浸七

日下鍋熬待藥滓成炭血餘無形方可濾去藥滓再

熬滴水成珠再將黃丹徐徐入內收為膏再入後項

藥

乳香

血竭

阿魏

龍骨

膽礬

雄黃

輕粉

沒藥

孩兒茶

各五錢

樟腦

錢四

赤石脂

錢七

沉香

木香

錢各三

麝香

錢一

冰片

分三

右十五味研為極細末入膏內攪勻用磁鉢收貯出

火毒油紙攤貼神効

秘傳定痛生肌散

龍骨

煨

白芷

錢各三

黃丹

水飛
錢五

軟石膏

煨去火
毒一兩

沒藥

乳香

錢各三

血竭

錢二

黃連

錢四

輕粉

硃砂

錢各五

右為極細末糝於瘡口上止痛生肌神効再用白膏

藥貼之

秘傳白膏藥

官白粉

半一兩

赤石脂

兩煨一

樟腦

錢五

輕粉

二錢五分

右為細末生猪油去膜搗爛和前藥調勻先將生肌散摻上後貼之

洗毒散

通玄論

治諸般惡瘡風濕陰蝕並宜此洗之

用蛇床子地骨皮丁麻黃荊芥防風桔槿各三錢

右用水三碗葱白三根煎至二碗無風處洗

乳癰

乳癰方論

男子以腎為重婦人以乳為重上下不同而性命之根一也坐草以後風邪襲虛榮衛為之凝滯與夫嬰幼未能吮乳或乳為兒輩所吹飲而不泄或斷乳之時捻出

不盡皆令乳汁停蓄其間與血氣搏始而腫痛繼而結硬至於手不能近則乳癰之患成矣乳癰一名妬乳婦人四十以下血氣周流患此可療年事既高血氣耗澁患此難療惡寒發熱煩燥大渴是其證也甚則嘔吐無已咽膈窒礙何耶蓋胃屬足陽明之經實通乎乳血熱入胃嘔吐何疑或者不能溫散妄以寒涼踈轉之劑行之即使癰毒自外入裏嘔吐尤甚其咽膈妨礙者毒氣上衝所致也生薑甘桔湯最為咽間要藥乳粉托裏散

最能反出毒氣二香散加瓜萋根止嘔止渴兩得其便
焉更仗萬金一醉膏佐之能事畢矣雖然渴而過飲水
入腸胃必至下利醫理失節久而不瘥必成漏瘡又不
可不防其變

乳癰證治

究原五物湯癰疽發背乳癰通用

瓜萋

研一
枚

皂角刺

半燒
帶生

沒藥

各半
兩

乳香

甘草

各二
錢半

右粗末醇酒三升煎取二升時時飲之痛不可忍立止

萬金一醉膏內加川芎一分當歸半分

乳癰方

皂莢刺

半燒帶生半兩

真蚌粉

三錢

右研細每一錢酒調下

生薑甘桔湯治癰疽諸發毒氣上衝咽喉胃膈室塞不

利

北梗

去蘆頭
一兩

甘草

生

生薑

各半
兩

右剉細每服三錢井水煎服

乳初腫方

甘草

生二錢
炙二錢

粗末分兩次新水煎服即令人吮乳

傳乳方

大南星

半夏

生

皂莢刺

燒帶生
各二分

白芷

草烏

直僵蠶

焙各
一分

右細末多用葱白研取汁入蜜調傳若破瘡口用膏藥貼

乳癰方乳癰初發

貝母

為末

右每服二錢溫酒調下即以兩手覆按於棹上垂乳良久自通

又方

石膏燒紅椀覆地出毒細末三錢溫酒調下

附諸方

橘皮湯治乳癰初發即散已潰即効痛不可忍者

陳皮

湯浸去白晒乾
麩炒微黃色

右為細末麝香研少許每服二錢酒調服初發覺赤
腫疼痛一服効因小兒吹妳變成此疾者並治

復元通氣散治發乳癰疽及一切腫毒

木香

茴香

青皮

川山甲

炙酥

陳皮

白芷

甘草

各等分

貝母

去心
薑製

加漏蘆

右咬咀每服五錢水一盞半煎八分去滓入酒食遠服末酒服二錢亦可

一方治婦人乳赤腫成癰者

歌曰

欲治乳癰良捷法

紫蘇一味勝他方

濃煎湯飲頻頻服

蘇葉圍來合乳房

一方治乳癰神効

用桑黃不拘多少用好酒磨熱服即安

一方治婦人吹妳

用棗七枚去核入鼠矢七粒火煨存性研末入麝香
少許溫酒調服

又方治婦人吹妳

詩曰

婦人吹妳治如何

皂角燒灰蛤粉和

熱酒一盞調八字

雙手揉散笑呵呵

一方加乳香

少許

一方治婦人乳頭裂

用秋後冷露茄兒裂開者晒乾燒存性為末水調敷患處甚驗

瘡

癰疽諸發此法通用

發瘡方論

瘡者上高下深巖穴之狀顆顆纍垂裂如瞽眼其中帶青由是簇頭各露一舌毒根深藏穿孔透裡男則多發

於腹女則多發於乳或項或肩或臂外證令人昏迷治
法急用草麻子等藥外傳以多出其毒水如癰疽方中
乳香膏神功妙貼散是也內則於小便利之蓋諸痛癢
瘡皆屬於心心與小腸為表裏所當宣毒於小便但諸
發蘊毒又非麥門冬燈心草之所能宣必如是齋方中
立應散以地膽為主以白牽牛滑石木通佐之而後可
以宣其毒矣自此又於心腎用工人之一身水不能濟
火則渴而後發瘡心腎相交水火既濟於人何病之有

心主血也清心行血固所當然亦使腎得其養則水有所司真元凝合彼瘡自平更服童尿又可以灌滌餘毒切戒忌風邪入之將理一節米舖猪蹄可以益腎可以養中當加之意

瘡

發瘡方論

瘡發於手足或掌心或腰腿或臀下伸縮處長形平腫無頭無面低貼肌肉瞰裏開瘡如瘰而大走注牽連較

之諸發煩渴為甚其患淺則可療其患深則害人或重
毒已平數月之後復於他處大發但作肉色微帶淡紅
終不能救治法以癰疽類例推之大要培養內氣以防
滑泄兼用膏藥吮瘡神異膏遇仙膏可貼可服

癰

發癰方論

癰疽之發有數種先作點而後露肉小者如粟如豆劇
者如梅如李赤黑青白色變不常或臂或臀或口齒或

肚臍發無定處大概多見於手指之間根深入肌走臂
遊腫毒血流注貫串筋脈爛肉見骨出血極多令人串
痛狂言痛入於心即死突出於外腎者亦死此瘡最慮
引風治法宣毒行血尤當於心腎加意焉蓋心為萬病
之門敗血鬱滯煩燥噁悶皆毒氣攻心之候也心家為
毒所攻若於小便利之又恐外腎虛怯易至傷風勢必
宣毒於大便如瓜蒌酒之入沒藥五靈脂皂莢刺帶生
灰是也是雖大便引導毒氣然清心行血去風邪之劑

如之何而廢之心清血行風邪解散庶乎有瘳矣經云
在指則截在肉則割蓋慮毒氣隨風走肌隨脉入腹條
忽害人至速而不可留也此疾根源初因感受惡風入
於脉理或傷寒瘴瘧之後毒變所生凡癰疽諸發開一
寸則一寸引風非必風入於其中蓋虛處自引風也惟
風邪襲虛則肉爛透骨惡血橫流大南星生半夏白芷
稍最能去風可以頻傳其諸療理推廣癰疽法度行之

發癰證治

癰疽癌癰惡瘡妙方

生髮

燒留性
三分

皂莢刺

燒帶生
二分

白芨

一分

右細末乾摻或井水調傳皂莢刺能行諸藥

療方

生髮

燒留性

皂莢刺

燒留性
各二分

赤蜈蚣

半燒

厚黃栢

各一分

右細末雄豬膽汁調傳

又方

雞內金

生髮

各燒留
性大和

大南星

半夏

生

右為細末摻

又方

皂莢刺

燒帶
生

白芨

少
許

右為細末摻諸瘡通用

又方 燕窠和百雀兒糞研膏傳

又方 生髮燒留性末之米湯調服兼傳漏瘡亦効

諸發諸瘡蠟磬圓冷酒入麝香送下

洗盪療瘡方

荊芥穗

白芷

漢椒

去目

葱白連根

右用井水煎入鹽候溫自手臂上盪下日三次療疽毒氣走臂腫所至處緊繫之

又洗方

山竈屋垂塵 竈煙

釜下土

各半升

右研和分兩次井水煮沸溫洗日如是

療方

生井蛙

取皮日乾
燒帶生

右細末摻或蜜水調傳又通用方在前

是齋立應散

方見瘰
癧門

瘰癧灸法瘰癧自手發者毒走至心不救自足發者毒走至腎不救各有小紅筋湯洗再尋其筋之住處灸小艾柱三壯即瘥此即蛇瘰

療瘡方論療瘡一名蛇瘡南地多有毒蛇吐毒於蠻煙瘴雨之鄉人有伏水土風氣而感觸之者數月以還未有不發為蛇瘡也惟赤蜈蚣伏蛇最為上藥雄黃白芷次之諸蛇藥亦可以制其毒矣

雄黃有毒爛肌但夾和蛇藥用

疔瘡

疔瘡方論

疔瘡含蓄毒氣突出兩寸痛癢異常一二日間害人甚速是尤在癰疽之上也內經以白疔發於右鼻赤疔發

於舌根黃疔發於口唇黑疔發於耳前青疔發於目下
蓋取五色之應五臟各有所屬部位而已然或肩或腰
或足發無定處在手足頭面骨節間者最急其餘尚庶
幾焉疔曰五疔類分數種如白如豆如葩如箔金如菜
莢如石榴子或發疹搔破而青黃汁出或衣物觸着而
疼痛忽生或白而腫實或赤而浮虛其狀不一大抵瘡
頭黑硬如釘四畔帶赤如火盤根突起隨變焦黑未幾
腫大而光轉為濕爛深孔透肌如大針穿之狀外證心

驚頭痛拘急惡寒四肢痛強或寒熱交作頰舌間赤黑
點點如珠若毒入腹心則煩悶嘔逆恍惚癡眠其斃可
立待也此疾雖自風毒而來其諸觸犯不可不信如石
疔之忌瓦礫磚石麻子疔之忌麻衣麻仁火疔之忌火
光炙燂水疔之忌飲水渡河惡眼齧食爛帛刀鐮色色
見忌又不特雌雄二疔戒謹房事而止一有觸犯難以
有瘳其或背脊拘強瘡痛徹骨此觸犯之候也治法以
調平心氣為上蓋疔瘡蓄毒壅結於心如茯苓茯神遠

志益智蓮子石菖蒲之類佐以川芎當歸皆舒豁心經之劑也心氣一清毒自消散外所傳者用銷蝕惡肉輩如膽礬綠礬鉛霜斑蝥等類以餅藥調和而筆傳之爛其肉而後剪隨傳隨爛次第剪平却以生髮蛇皮土蜂窠皂莢刺各燒留性白芨減半並為細末以平瘡口或銷蝕惡肉輩傳之作痛則以排膿內補散多用酒調以醉之矣又有一種瘡頭黑深形如魚臍破之黃水滲出四畔浮漿是曰魚臍疔瘡其毒尤甚通前治法即癰疽

方中萬病解毒圓以清心行血湯使服之以井花水磨傳之是為神仙妙藥

疔瘡證治

諸疔瘡方

生髮

拔一圓如雞子大攤在一尺緋絹上

雄黃

研一豆許

皂莢刺

二十針

赤小豆

二十粒

右並粗末撒放髮上捲就緋絹作一團外用髮繩十字縛定熨斗內烈火燒帶性為末入地骨皮末倍之

分作兩服空心酒調下

又方

生髮

蛇皮

洗晒

土蜂窠

皂莢刺

各半兩

右以緋絹一尺分作四片分裹上件藥髮繩扎之炭火燒帶生並為細末每一錢空心酒調下

又方

蛇皮

土蜂窠

燒帶性
等分

右為末每一錢酒調下

又方蛇皮洗晒炙焦為末雞子清調傳

又方磁石

於石臼中
搗為細末

再研醋調傳

又方

蒼耳

亦名鼠粘子根莖苗
實但取一色研細

右酒調下仍以蒼耳燒灰醋調傳或不拘一色雜採
用之

疔瘡方

金頭蜈蚣

一條

膽礬

銅綠

烏賊骨

錢各一

麝

字一

右細末以紙撚蘸麻油粘藥引入瘡中如瘡頭硬即
灸破或針刺破然後入藥

附諸方

立馬回疔丹治疔瘡走徹不止

金腳信

蟾酥

血竭

硃砂

沒藥

各五分

輕粉

片腦

麝香 各一字

右為細末生草烏頭汁為錠如麥子長大用時將瘡頭刺破納入一錠第二日瘡腫為効以膏藥貼之

飛龍奪命丹

聖惠方

治一切惡疔瘡

人言

二錢半

斑猫

十二箇去足

巴豆

十二箇去殼油

硃砂

三錢

礞砂

礞砂

乳香

沒藥

黃丹

各三錢

南星

水洗

半夏

水洗各一錢

血竭

二錢

麝香

一錢二分半

右為末蟾酥汁為丸如紅豆大五分內分一分加入斑貓四箇然後捻成定子如小麥大每一瘡針破下一定子用飯粘白紙封口用前四分內一丸噙在舌上覺麻涼水吞下忌熱物片時如蟾酥乾用人乳汁化開一方加雄黃二錢

千金托裏散治疔腫發背一切惡腫

官桂

人參

甘草

川芎

白芷

芍藥

各一兩

木香

沒藥

各三錢

乳香

二錢

當歸

半兩

連翹

一兩二錢

黃耆

一兩半

防風

桔梗

厚朴

右十五味為細末每服三錢酒一盞煎一二沸和滓

服無時

一方治疔瘡

土蜂房

一窠全

蛇蛻

一條全

右作一處細瓦器中以黃泥封固火煨存性研為細末空心酒調服一錢少頃腹中大痛痛止其瘡已化為黃水仍服五聖散

五聖散

大黃

生薑

金銀花

甘草

各一兩

瓜萸

一箇

皂角針

二兩

右咬咀每服一兩用好酒二盞煎至一盞溫服

瘰癧

瘰癧方論

瘰癧生於項腋之間凡人少小以來動輒蓄怒或憂思
驚恐抑鬱不伸多致結核於項日積月累風毒熱氣聚
焉於是腫濕開瘡起伏無已甚則牽連至於腋下自腋
下而蔓衍心胸殆無及矣發熱增寒煩渴盜汗或寒熱
往來或痛或不痛其外證也治法無他大抵以地膽斑
貓為主蓋瘰癧之毒莫不有根地膽斑貓製度如法能
使其根從小便中出或如粉片或如塊血或如爛肉皆

其驗耳但毒根之行小便亦必澀痛當以木通滑石輩導之然是毒必從小便出者何哉諸痛癢瘡蓋屬於心其或一二流行於大便尤快便也人有此患不惟懲忿窒慾謹護燥濕風寒其於飲食百味一切戒之然則投方已之劑當何如而責効焉曰飯蔬食而已

療癰證治

是齋立應散治癰癰神効已破未破皆可服

連翹

赤芍藥

川芎

當歸

甘草

炙

滑石

研各半兩

黃芩

三錢

白牽牛

生取末

土蜂房

蜜水洗飯上蒸日乾各二錢半

川烏尖

七箇

地膽

去頭皮足秫米炒米黃為度去米秤三錢

右為細末每服抄一大錢匕煎濃木通湯調下臨卧

服毒根從小便中出澁痛不妨毒根如粉片塊血爛

肉是也如未効後再服繼以薄荷丹解其風熱且地

膽性帶毒濟以烏尖或衝上麻悶不能強制嚼葱白

一寸茶清下以解之如小便澀燈心煎湯調五苓散服瘡處用好膏藥貼若療癰疽用此宣導惡毒本方去黃芩不用

薄荷丹解癰癰風熱之毒自小便宣毒後須常服

杜薄荷

皂角

不蛀者去弦皮

連翹

何首烏

米泔浸一宿

蔓荊子

京三稜

煨

荊芥

各一兩

右為末好豉二兩半以米醋煎沸洒豉淹令軟研和

糊如圓桐子大每三十圓食後熟水下日一服病雖
愈常服之

必捷圓治療癰多年不瘥

斑猫

去頭翅足林
米炒一分

薄荷葉

三分

右細末烏雞子清和圓桐子大空心茶清下二圓午
時後服三圓臨卧服四圓次日空心服五圓臍下痛
小便取下惡物為効如小便秘喫葱茶少許

神秘散治療癰

斑猫

去頭足皮麩
炒二十一箇

荊芥穗

日乾

直僵蠶

炒去
絲背

黑牽牛

微炒取仁
各二錢

右細末每服一錢五更好酒調下日中當取下惡物
如不下次日五更再進一服或更不下第三日五更
先喫秫米粥一盞次服此藥其毒決下如小便痛澀
以葱茶解之或木通燈心煎湯利之

雄雞散治瘰癧

斑猫

一雌一雄足翅全者
新瓦焙焦去頭翅足

貫衆

二錢

鶴虱

甘草

各五分

右細末作兩服飽飯後好茶濃點一盞調下

木鱉膏治療癰經年發歇無已

木鱉仁

二箇用厚紙
捍去油研碎

右以烏雞子清調和磁盞盛之甑內蒸熟每日食後
喫一次服之半月自然消靡

粉乳托裏散治療癰攻心嘔吐發出毒方

見癰
疽門

蟾蜍圓治療癰神効方

見癰
疽門

山豆根方治咽喉上膈熱毒患瘰癧者常常含汁嚥下
仍以

山豆根

紫蘇葉細剉煎湯臨卧服

解熱方瘰癧四畔紅腫多汁為熱證

小黑豆

合二

紫蘇

莖一

薑

片七

右細剉煎湯食後服

洗傳方

白芷煎湯泡荆芥

右候溫軟帛蘸洗拭乾好膏藥貼膿汁惡肉出盡更

用

半夏

生

南星

各二錢

血竭

一錢

輕粉

少許

右細末以津唾調傳

究原方歛瘡口

血竭

一字

棗

燒灰半錢

麝

少許

右夾研津唾調傳

附諸方

散腫潰堅湯治馬刀瘡結硬如石或在耳前後上下及
肩脇背手足少陽經及癰癰遍於頭或頰車堅面不
潰在足陽明經○一瘡已破乃流膿水並皆治之

草龍膽

酒洗炒
四次

桔梗

各五錢

升麻

六錢

甘草

炙

柴胡

各五分

連翹

三錢

葛根

白芍藥

黃連

各二錢

黃芩稍

錢半酒
錢半生

昆布

知母

酒洗

括萋根

酒洗

黃栢

各五錢

京三稜

酒洗

廣茂

酒洗各三錢

當歸梢

酒洗半錢

右咬咀每貼七錢水二盞煎八分去粗食遠熱服於
卧處伸足於高處頭微低每噲一口作數次嚥下至
服畢如常安卧取藥在胸中停蓄也另攢一料作細
末煉蜜丸每服百丸此藥湯留一口送下更加海藻
五錢炒

白花蛇散

三方

治久漏瘰癧發於項腋之間痒痛增寒

發熱

青皮

半兩

生犀

錢半

黑牽牛

半兩一半生用一半炒熟

白花蛇

酒浸軟去皮骨焙乾秤二兩

右為末每服二錢膩粉五分研勻五更糯米飲調下以利下惡毒為度十餘日再進一服可絕病根

梅花點舌丹治男婦惡瘡瘰癧

蟾酥

二錢

粉霜

沒藥

輕粉

各六分

麝香

冰片

血竭

各四分

乳香

雄黃

各一錢

右為細末用男人乳丸如茄子大每服一九含一九
在舌上待自化瘰癧可先食胡椒麪然後含之其瘡
自消神効

針灸法治瘰癧以手仰置肩上微舉肘尖上是穴隨患
處左即灸左右即灸右艾炷如筋頭大再灸如前三
次永無恙如患四五年用藥不退辰時着灸申時即

落所感稍深三灸即安法仍以蒜切片貼癰瘡上灸
七壯易蒜多灸取効

癭瘤

癭瘤方論

氣血凝滯結為癭瘤癭則憂恚所生多着於肩項皮寬
不急槌槌而垂是也瘤則隨氣留住初作梅李之狀皮
嫩而光漸如盃卵是也其肉色不變者謂之肉癭其筋
脉呈露者謂之筋癭其赤脉交絡者謂之血癭隨憂愁

而消長者謂之氣癭堅硬而不可移者謂之石癭癭之名有五者此也一曰骨瘤二曰脂瘤三曰肉瘤四曰膿瘤五曰血瘤六曰石瘤瘤之種有六者此也癭瘤二者雖無痛癢最不可決破決破則膿血崩潰滲漏無已必至殺人其間肉瘤攻療尤所不許若夫脂瘤氣癭隨順用藥尚庶幾焉

癭瘤證治

海藻圓癭瘤通用

海藻

洗晒
一兩

海蛤

煨

松蘿

各七
錢半

當歸

川芎

官桂

白芷

細辛

霍香

白欬

明礬

煨

昆布

洗晒

右細末煉蜜圓彈子大每一圓含咽下

蠟礬圓瘰癧通用常服自然縮小消磨

方見癰疽門

針沙方專治氣瘰

針沙

浸於水缸平日飲食皆用此水十日一換
針沙服之半年自然消散針沙能去積也

治小瘤方先用甘草煎膏筆蘸粧瘤傍四圍乾而復粧凡三次後以

大戟

芫花

甘遂

右等分為細末米醋調別筆粧傳其中不得近着甘草處次日縮小又以甘草膏粧小暈三次中間仍用大戟芫花甘遂如前自然焦縮

又治瘤方舊牛皮鞋皮洗煎凍常食之瘤若破如豆腐極臭

附諸方

破結散治五癭

海藻

洗

龍膽草

海蛤

通草

昆布

明礬

枯

松蘿

各三分

麥麴

四分

半夏

貝母

各二分

右為末酒調服日三食忌甘草鯽魚猪肉五辛生菜

毒物

昆布丸治一切癭瘤

昆布

洗

海藻

洗

小麥

醋煮乾
各一兩

右為末煉蜜丸如杏核大每一丸食後嚥

秘傳治癭方治一切癭瘤神効

乾猪噉

七箇用燈盞火烘過乾為末

海漂硝

木香

青木香

孩兒茶

各五錢

雄黃

神麴

麥芽

辰砂

各一錢

右為細末用酒送下食後令睡時服之即睡再不可
言語戒惱怒房室此方係累用無不効驗

海帶丸治癭氣久不消者

海帶

貝母

青皮

陳皮

右各等分為末煉蜜丸如彈子大每服一丸食後噙
化

一方治頰下結核不消經効

大蜘蛛

不計多少

右以好酒浸過研爛同酒調開澄去滓臨卧服

外臺秘要治項下卒結囊漸大欲成癭者

昆布

海藻

各等分

右為末蜜丸如杏核大含稍稍嚥津

針灸法天突一穴

在結喉下宛宛中灸三七壯治諸般癭疾

肩禺二穴在膊骨頭肩端兩骨間陷宛中舉臂取之男左十八壯右十七壯女左十七壯右十八壯

又灸

兩耳後

髮際
七壯

漏瘡

漏瘡方論

漏者諸瘻之潰漏也狼瘻鼠瘻螻蛄瘻蜂瘻虬蟬瘻蟻
蟪瘻浮蛆瘻瘰癧瘻轉筋瘻古所謂九瘻是爾析而言
之三十六種其名目又不同焉大抵外傷四氣內寢七
情與夫飲食乖常染觸蟲動含靈之毒未有不變為瘻

瘡穿孔一深膿汁不盡得冷而風邪併之於是涓涓而成漏矣漏喜發於項腋亦喜發於陰僻肛門之間療治失時即生寒熱不特癰能為漏凡癰疽諸發隨所在處苟有宿膿敗肉朽骨停蓄其間皆一切漏瘡之萌蘖也治法溫散風冷為急救水次之生肌又次之霍香厚朴半夏橘皮蒼朮細辛川芎白芷以官桂乾薑一已佐之此足以溫散風冷矣然有近年漏者有久年漏者近則或帶淡紅或帶微腫或留小核久則上而槁白內而黑

爛淫虫惡臭生焉近者不過前藥數品而已久者復其
元陽亦當以漏監輩加減而用之如其不當用而輕用
又恐熱氣乘虛變移結核旁緣相通而孔竅為尤甚若
夫收水一節則有司存水屬腎也腎虛不能傳導而後
水溢於腎水溢則滲漉於漏瘡行腎之水無如黑牽牛
必以牽牛取末入於豬腎慢火煨熟而溫酒下之則借
腎入腎一縱一擒兩得其便惡水既泄不復淋漓繼以
當歸黃耆川芎官桂川續斷葫蘆巴等修治細末佐以

髮灰空心溫酒調下仍以安腎圓山藥圓煎而濟之庶
幾腎得所養真元凝合夫然後龍骨牡蠣人齒犬牙加
之血竭乳麝髮灰內外相維生肌必矣然而新肉方生
又當以贅肉猪蹄米舖為養不惟滋味益腎而陽明之
主肌肉亦藉穀氣以充之此則自本自根之論也雖然
漏已息矣瘡已平矣衾幃動念可乎否乎曰始焉之漏
者溝澮之細流也終焉之犯者江河之浚決也知而故
作盧扁其如之何

漏瘡證治

溫解散溫散漏瘡風冷

霍香葉

厚朴

製

半夏麴

橘皮

蒼朮

炒

細辛

川芎

白芷

各一分

辣桂

川白薑

生

甘草

炙各半分

右剉散薑棗煎服

猪腎酒通行漏瘡中惡水自大腸出

黑牽牛碾細去皮取末一分入豬腎中以線扎青
竹葉包

右慢火煨熟空心溫酒嚼下

續斷散止漏活血益腎氣續筋脉

槭藤子

去穰
炙

當歸

川芎

黃耆

微
炙

川續斷

洗
晒

葫蘆巴

炒

紫金皮

生乾地黄

洗
晒

牡蠣粉

研細各
半兩

木香

辣桂

各三
錢

甘草

炙二
錢

右為末每二錢空心溫酒調下或加髮灰佐之

保安炙甘草方治漏瘡內外癰

方見乳癰門

乳麝雲母膏治漏瘡効

穿山甲

浸一宿去肉用一片

真蚌粉

同炒候香熟起泡去粉以甲為末四兩

右入乳香末一錢麝香半錢夾和雲母膏十五貼為圓桐子大每服三十圓溫酒下仍以鹿角膠調鹽酒服神授圓川椒方見虛勞門兼服之

代赭石圓治漏瘡膿血不止

方見痔門

冷漏乳香圓

白淨滴乳香

一分牡蠣粉半

右細末雪糕糊圓麻子大每服三十圓道地川白薑
生用煎湯空心下

雄黃膏治積年冷漏黃水不止

雄黃

硫黃

研細各一分

頭髮

黃蠟

各半兩

右用麻油二兩煎熬頭髮溶盡去滓次入雄黃硫黃
碎片黃蠟慢火上桑枝頻攪為膏攤生絹貼用藥先
以赤甘草頭煎湯洗或露蜂房白芷煎湯常洗常貼
黑靈散漏瘡通用

露蜂房

剉淨
二分

牡蠣粉

號丹

硫黃

研各
一分

右同炒令煙盡為細末入髮灰一分麝少許拌和傳
患處麝能引藥透達亦殺虫

血竭散治痔漏痛不可忍

血竭

牡蠣灰

髮灰

各等分

右細末入麝香少許自以津唾調傳如更痛研杏仁膏調藥傳之

生地黄膏漏瘡通用

露蜂房

炙黃

五倍子

木香

各三錢

滴乳香

二錢

輕粉

一字

右細末用生地黄一握搗細和為膏攤生絹上貼瘡

蜂房散治久年漏瘡或暫瘥復發或移於別處

多孔露蜂房

炙黃三分

穿山甲

炙焦

龍骨

各一分

右末入麝香用臘月豬脂調傳濕則摻

蛇蛻散治漏瘡血水不止

蛇皮

洗焙焦

五倍子

龍骨

各一分

川續斷

洗晒二分

右細末入麝香少許津唾調傳

人牙散治漏瘡惡瘡生肌裏欲乾則用

人牙

油髮

各燒存性

雄雞內金

各等分

右為末入麝香輕粉少許濕則摻乾則麻油調傳平肌散治漏瘡久不合露乾則用

老狗骨頭

露蜂房

生髮

各燒存性一分

新桑白皮

半分

右細末入輕粉麝香少許津唾調傳乾則摻

鐵屑膏治漏瘡露乾則用

鍛落鐵屑

半兩

狗頭連齒骨

炙黃一兩

鹿角

燒灰
一兩

真輕粉

一錢

右細末用豬脂調傳

薰漏瘡方

艾葉

五倍子

白膠

苦練根

等分

右剉碎如燒香法置長桶內坐薰瘡處

洗漏瘡方漏瘡孔中多有惡穢常須避風洗淨

露蜂房白芷煎湯洗 或大腹皮苦參煎湯洗

右洗畢候水出拭乾先用東向石榴皮晒為末乾摻以殺淫虫少頃傳藥

諸漏瘡方

百日兒尿密器封五日取塗瘡

惡核漏瘡並戒怒氣不然核則大漏則水多

漏瘡方

真龍骨

蜂房

炙黃各二錢

黃丹

煨

五倍子

降真香節

枯骸骨

瓦煨各一錢

右為細末傳之

久癭方

九孔蜂房炙黃為末臘月猪脂研傳俟收汁以
真龍骨降真香節細末入此乳香硬瘡

附諸方

蓋漏瘡須先服補藥以主血

人參

黃耆

白朮

當歸

川芎

各等分

右咬咀為一大劑服之外以附子末唾調作餅如錢厚以艾炷灸之漏大艾炷亦大但灸令微熱不可令痛乾則易之如困倦則止來日又灸直至肉平為効仍用好膏藥貼之

翠霞錠子治年深冷漏日久惡瘡有反肉用之

銅錄

寒水石

煨

滑石

各三錢

明礬


膩粉

砒霜

雲母石

研如粉各錢二分半

右為細末擦百日便愈



仁齋直指卷二十二